

ՎԵՆԱՐԱՆՈՒՄ



ՄԻԱԲԱՆԱԿԱՆ ԿՅԱՆՔ

ՄԻԱԲԱՆԱԿԱՆ ՀԱՎԱՐՈՒՅԹՆԵՐ ՎԵՆԱՐԱՆՈՒՄ

Փետրվարի 1-ին, չորեքշաբթի օրը, Վեհաբանում, Վեհափառ Հայրապետի նախագահությամբ, տեղի է ունենում միաբանական հերթական հավաքույթ:

Հավաքույթի ընթացքում վեկուցումով հանդես է գալիս Ս. Հակոբ բաժանա Գյուլյանը՝ ներկայացնելով Հոգու անմահության գաղափարը ըստ Պատմի, հենվելով հիմնականում Պատմի «Հոգին անմահ» աշխատության վրա:

..

Փետրվարի 8-ին, չորեքշաբթի օրը, Վեհաբանում, Վեհափառ Հայրապետի նախագահությամբ, տեղի է ունենում միաբանական հաջորդ հավաքույթը: Ս. Շնորհք արեղայի փետրվարի 5-ին Մայր տաճարում խոսած բարոյի քննարկումից հետո Ս. Եղիշե բաժանա Աբգաջանը ներկայացնում է պատմական գիտությունների դոկտոր Աշոտ Արամիանի վերջերս Երևանի պետական համալսարանի հրատարակչության կողմից լույս ընծայված «Գաճորի համալսարան» ուսումնասիրությունը և նշում այն հսկայական դերի ու նշանակության մասին, որ ունեցել է Գաճորի համալսարանը հայ ժողովրդի մշակույթի պատմության մեջ:

Փետրվարի 15-ին, չորեքշաբթի օրը, Վեհաբանում, Վեհափառ Հայրապետի նախագահությամբ տեղի ունեցած միաբանական հերթական հավաքույթին, կրկին ներկա է Մայր Աթոռի միաբանական ողջ կազմը:

Հավաքույթի ընթացքում բանախոսությամբ հանդես է գալիս Արարատյան թեմի առաջնորդական փոխանորդ Ս. Գարեգին եպ. Ներսիսյանը՝ ներկայացնելով հայրաբանական գրականության անդրանիկ և արժեքավոր նմուշներից մեկը, որը մեզ է հասել «Թուղթ առ Դիոգենես» վերնագրով: Չեկուցողը նշում է, որ վերոնիշյալ թուղթը ջատագովական բնույթի մի աշխատություն է, որը գրվել է հավանաբար Բ դարում: Հեղինակն անհայտ է:

Չեկուցման վերջում սրբազան հայրը պատասխանում է ներկաների կողմից վեկուցման շուրջ տրված մի շարք հարցերի:

..

Փետրվարի 29-ին, չորեքշաբթի օրը, Վեհաբանում, Վեհափառ Հայրապետի նախագահությամբ տեղի ունեցած միաբանական հերթական հավաքույթի ընթացքում, նախ քննարկում է Մայր Աթոռի միաբան Ս. Հովհան արք. Տերտերյանի՝ փետրվարի 26-ին, կիրակի օրը, Մայր տաճարի խորանից արտասանած բարոյը: Այնուհետև ներկայաց-

վում է վերջերս հրատարակված Ջոն Կիրակոսյանի «Երիտթուրքերը պատմության դատաստանի առաջ» (գիրք Բ) ուսումնասիրությունը: Ներկաները այն ընդհանուր կարծիքն են հայտնում, որ հեղինակը անժխտելի փաստերով կարողացել է վեր հանել Երիտթուրքերի հակահայկական վայրագ քաղաքականությունը: Նա օգտագործել է բավառալիկ աղբյուրներ, կատարել կարևոր մեջբերումներ՝ քաղված ոչ միայն հայկական, այլև եվրոպական և նույնիսկ թուրքական թերթերից, վավերագրերից ու փաստաթղթերից:

ՀՈԳԵՎՈՐ ՃԵՄԱՐԱՆԻ ՍԱՆԵՐԸ ԾԱՂԿԱԶՈՐՈՒՄ

Այս տարի, փետրվարի 20—23 օրերին, հոգևոր ճեմարանի ուսանողները, Վեհափառ Հայրապետի կարգադրությամբ և հոգևոր ճեմարանի փոխտեսուչ Ս. Հակապուն վարդապետի ղեկավարությամբ, մեկնեցին Ծաղկաձոր՝ այցելելու տեղի պատմական հուշարձանները և անցկացնելու իրենց չորսօրյա ձմեռային հանգիստը:

Առաջին օրն իսկ հոգևոր ճեմարանի ուսանողներն այցելեցին Կեչառիսի պատմական եկեղեցին և սքանչացած հայ ճարտարապետության այդ եկակի կառույցով:

Կեչառիսի վանքային համալիրի հիմնադիրն է եղել Գրիգոր Մագիստրոսը, որը 1003 թ. կառուցել է «Ս. Գրիգոր Լուսավորիչ» եկեղեցին: Կեչառիսի վանքը ԺԲ—ԺԴ դարերում հանդիսացել է հայ մշակույթի վարպետական կարևորագույն օջախներից մեկը: Այստեղ են ապրել և ստեղծագործել միջնադարյան շատ մատենագիրներ և եկեղեցական գործիչներ, ինչպես՝ Նաչատուր վարդապետ Կեչառեցին, ճարտարապետ Վեցիկը և շատ ու շատ ուրիշներ:

Ճեմարանի ուսանողներն այցելեցին նաև Վեցիկ ճարտարապետի գերեզմանը: Միջնադարյան այդ նշանավոր ճարտարապետը կառուցել է Կեչառիսի փառահեղ կաթողիկե եկեղեցին: Նրա շիրիմի շուրջ խմբված՝ հոգևոր ճեմարանի ուսանողները երգեցին Կոմիտաս վարդապետի «Հայր մեր»-ը, «Տէր, ողորմեա»-ն և այլ հոգևոր երգեր: Մեծանուն ճարտարապետի գերեզմանին ճեմարանի փոխտեսուչ հայր Հակապունը արտասանեց «Հոգուցն հանգուցելոց» աղոթքը:

Հոջորդ օրն ուսանողները ճոպանուղիով բարձրացան հանդիպակաց լեռան գագաթը,

որտեղից նրանց առջև բացվեց մի գեղեցիկ համայնապատկեր. առջևում երևում էր ձյունածածկ Արարատը՝ մխրձված ամպերի մեջ:

Ծաղկաձորում գտնվելու օրերին ճեմարանի ուսանողները հնարավորություն ունեցան նաև վերադառնալու դահուկային սպորտով:

Ներշնչված հայրենի բնության ձմեռային տեսարանների զգլխիչ գեղեցկությամբ և վերանորոգված թարմ ուժերով՝ նրանք լավագույն տալիսություններով փետրվարի 23-ին վերադարձան Մայր Աթոռ:

ԳՐԱԿԱՆ-ԵՐԱԺՇՏԱԿԱՆ ԵՐԵԿՈՒ ՆՎԻՐՎԱԾ Պ. ՍԵՎԱԿԻ 60-ԱՄՅԱԿԻՆ

Այս տարի Վեհափառ Հայրապետի բարեհաճ կարգադրությամբ հոգևոր ճեմարանում տեղեկվել է գրական խմբակ, որի նպատակն է լինելու ճեմարանի ուսանողների ուժերով պարբերաբար ներկայացնել հայ գրողներից որևէ մեկի կյանքն ու գործունեությունը: Խմբակի գործունեությունը էլ ավելի կնպաստի ուսանողների մեջ սեր և հետաքրքրություն արթնացնելու մեր ազգային գրականության նկատմամբ:

Անդրանիկ գրական-երաժշտական երեկոն տեղի ունեցավ սույն թվականի փետրվարի 4-ին: Այն նվիրված էր Պարույր Սևակի ծննդյան 60-րդ տարեդարձին:

Երեկոյին նախագահում էր Վեհափառ Հայրապետը: Ներկա էին նաև մայրավանքի ողջ միաբանությունը և հոգևոր ճեմարանի դասախոսական կապը:

Բացման խոսքով հանդես եկավ հոգևոր ճեմարանի հայոց լեզվի դասախոս պարոն Բաբկեն Ներսիսյանը: Այնուհետև Ե լսարանի ուսանող Հակոբ սրկ. Մարտիրոսյանը համառոտ գծերի մեջ ներկայացրեց Պ. Սևակի կյանքն ու գրական գործունեությունը:

Երեկոյի ընթացքում Պ. Սևակի բանաստեղծությունների արտասանություններով հանդես եկան ճեմարանի մի խումբ ուսանողներ: Նրանց կատարմամբ հնչեցին նաև Կոմիտասի «Գարուն ա, ձուն ա արել», «Լո, լո», «Չինար ես» և այլ երգեր:

Գրական-երաժշտական երեկոյի վերջում իր օրհնության խոսքն ասաց Վեհափառ Հայրապետը՝ քաջալերելով ուսանողներին և մաղթելով, որ ճեմարանի հարկից ներս ավելի հաճախակի կատարվեն նման միջոցառումներ: